

دائرة مخصوصه

درسمادنده باب عالی جوارنده

محل اداره :

مشرط القبر

۱۳۲۶

اخطار :

مسلكمزه موافق آثار جديده مع المنونيه
قبول اولنور

درج ايدهن آثار اعاده اولنور

ديره، فلسفه، علوم، حقوق، ادبيات و سياستنامه و باطامه كرك سياسى و كرك اجتماعى و مدنى احوال و شئونه اسلاميه و نه بحث ايدر و هفته ده بر نشر اولنور.

آبونه بدلى

سنه لکى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۰۵	روبله
سائر ممالك اجنبيه	»	۱۷	۹	فرانق

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسمادنده نسخه سى ۵۰ پاره در

قبرله دن مقوا بورو ايله كوندريلىر سه سنوى

۲۰ غروش فضله آلنير

دردنجى جلد

۱۲ ش بان ۳۲۸ پنجشنبه ۵ اغستوس ۳۲۶

عدد : ۱۰۲

حسب حال

عارفك قرائتخانه سنده اوطورمش، برینی بکلیوردم. بش اون دقیقه صوکره قارشیمده کی ماصیه بری صاریقلی، دیکری فسلی ایکی آدم کلدی. بونلر غالباً یوله باشلادقلری بر مناقشهیه دوام اید یورلردی: چونکه مباحثه نك باشلانغیچنده سس او قدر یوکسك بردهیه چقه مازدی. دیکله مه مەك، قفامی دیکلندیرمك ایستدیم، قابل اولمادی. بویکی معارضه قولاقلری ایجه سس حبسنه آلدیلر! فلی دیوردی که:

— هم مملکتده برشی یاپلیور، دیورسکیز، همده مدنیت نامنه هانکی ایشه تشبث اولنورسه انکل اولق ایسته یورسکیز. بزهپ اولدیغیز یردیمی صایه لم؟ هیچدهمی ایلرله میلم؟

— حویپالا! معقول اولق شرطیله نه کی برحرکتده بولوندیکنزده بزدن بر مخالفت یا خود نماعت کوردیکیز؟ دقت اید یورمیسك «معقول» دیورم، «مشروع» دیورم. زیرا معقول اولان شیئرک کافهسی مشروع، مشروع اولان ایشلرک هپسی معقولدر.

— دین نامنه بوقدر مسامحه کارلوقده مطابقا ذات فاضلانلرینک اجتهدی اوله حق! ...

— خایر افندیم، حضرت پیغمبر (الدين هو العقل ولادين لمن لا عقل له) دیور یور. دین عقلدن عبارتدر؛ عقلی اولیانك دینی ده اوله ماز. عقله بوقدر یوکسك پایه ویرن مسلمانلغك احکامنده معقول اولمایان بر حکم بولمیلیرمی؟ نه حاجت! بوتون تکالیف شرعیه ذوی العقوله عائد کیدر؟ یوقسه سز علم حالی دهمی اکلا به رق او قومادیکیز؟ — رجا ایدرم صدی غائب ایتیکیز... برهیکل ایچون بوقدر سوز سویله نیرمی؟

— اصل صدی صولده براقان سزسکیز. بن هیکل دیکمك شرعاً حرامدر، یا خود مباحدر طر زنده یاریم کله بیله سویله مدیم. یالکیز شیمدی بونك غییره سیمی در؟ دیدم. سز بوسؤالم اوزرینه آز قالدی نی ارتجاع ایله اتهام ایده جکدیکیز!

— ای یا، آی افندیم مدحت باشا کی معظم بروطنرور ایچون هیکل دیکمك یارواغیار نظر نده عثمانلیرک قدر شناسلغی برقات ده! اعلا ایتیم؟ بصریه چیقان بر آوروپالی مرحومك هیکلی کورر کورمز بزم حقمزده نه مساعد حسلر بسله مز!

— هیات! سز دیرکلر آره سی جاده سنك نام کوبکسند یاتان عثمان بابا تر به سی کوردیککیز زمان نصل برحس ایله متحسس اولیورسه کر، هر درلو عمران قابلیتی اولان بصرمی، او کوزل مملکتی یانغین یری حالنده کورن بریا بانجی کوزده او خرابه نك اورته سنده برهیکل معموره تصادف ایدنجه عینی دویقوی دویار اولولره هیکل دیکه جککیزه برر میت غیر متحرک، برر هیکل جامد شکلی آلان شوزوالی ملت مرحومه یه روح غیرت، حیات فعالیت نفخ ایتیه چالشیکیز. بو خلقک بیکده طقوز یوزطقسانی مدحت باشانک کیم اولدیغی، کندیلرینه نه کی مبرور خدمتلرده بولندیغی او قویوب آکلامادجه

هیکلنه اونك مزارطاشنه باقدینی نظر حرمتله بیله باقماز؛ باقامقده معذوردر.

مکتب یوق، مدرسه یوق، یول یوق، شمندوفر یوق، وابور یوق؛ نامتاهی خزائن ثروت طویراقلر آلتنده یاتیور، آلدیران یوق؛ او قویان یوق، یازان یوق... بوقدر یوقلق ایچنده بر یوکسك تصور وار، اوده هیکل! ...

— لیکن نه قدر بدینسکیز! عصرلردن بری خراب ایدیلن بو مملکت ایکی کونده آلمانیا کی اولسون دییه جکسکیز؛ یاواش یاواش هپسی اوله جقدر.

— بن ذاتاً اولمایه حق دیمدم؛ هم اوله جفندن امینم. اولماسی ایچون حصه مه دوشن فعالیتیه ادا ایتمکدن هیچ جکنمیورم. ناملرینه هیکل دیکیمسنی خوش کورم دیکم مدحتلرک، کالارک نصل آدم اولدقلری اوج سنه در ارج یوزدن فضله شا کردلریمه آدم عقللی اوکرتدم. چو جوقلر مدحتک، کالک روحی اکلا دیلر، هیکلی کورمه لرده اوله حق... — ای اما کورسهر دها ایی دگی؟

— فسبحان اه! سز هیچ لاقیردی اکلامیورسکیز! آقوزوم باقسه کز آیاییله حق نه لر وار! استانبوله اوتوموبیل، اوتوبوس کتیردک هر کون بر ایکی قربان ویریوروز. صبر ایدک مملکت ایستدیکمز حاله کلسین؛ خلق او قوسون، یازسین؛ اوردومز، دو نمانز طوتدینی طریق ترقی منتهاسنه قدر قطع ایتسین؛ بوتون جهان مدنیتده بزه اک محترم، اک معظم بر موقع حرمت افراز ایدلسین؛ الحاصل بزم اوروپالی دوستلریمزدن بر اکیسکمز وارسه اوده اعظم ایچون هیکل دیکمکدن عبارت قالسین... او زمان ال اله ویرر هیکل دیکلمی دیکمیه لمی دییه باب فتوا یه قوشارز.

مخاوردنک آلت طرفی ضبط ایدمدم، چونکه ارقداشم کلدی، نی اولجه قرارلاشیدر دیغمز بر یره کوتوردی.

محمد عاکف

خطبه

۱۶

الحمد لله مقيم الحجة على اهل الفلة في كل جيل وجوله * الحمد لله مذل العصاة بأهل الجبروت اهل الشدة والصوله * الحمد لله جاعل ابناء الشهوات عبرة لكل دولة * الحمد لله ميسر الامور للطالبين * نشهد ان لا اله الا الله غيور على شرعه * و نشهد ان سيدنا محمدا ناظر لامته بقلبه وسمعه * اللهم صل وسلم على هذا النبي وآله وصحبه وجمعه واسأله العفو والغفران للمذنبين * = اما بعد فيا عبدالله = تأمل تجد انك في جميع احوالك متلون متقلب ان اثرت فيك المواعظ غلبك الشيطان والشيطان عليك متغلب * واذا اعتذرت قلت تسبب فيه الشيطان ولكنك انت المتسبب * انت الذي اوقعت نفسك في هذا الهلاك المين * نذلك على طريق الهدى فنقول كل ميسر لمقدوره ومكتوبه * نهأك

عن المنكرات فتد وتقول كل انسان معلق من عرقوبه * تقول آذيت الامة بذنوبك فتقول كل شخص مسؤول عن ذنوبه * ندعوك الى التدين فتأبى الا التمدن الفاسد والتباعد عن الدين * نسالك عن التدين فتقول كل شيء مضى وحل محله التمدن والمدنيه * تقول هل ترضى بالفجور فتقول الدنيا الآن صارت حريه * نستفهم عن المسائل الدينيه فتقول اكثرت الوسائل الدينويه * تقول ونريد وانت اول المعلومين * من سواك باع نفسه للشهوات حتى افقر واغنت بأمواله الطائفة الاجنبيه * أى امة انعقدت العزائم على محوها سوى الامة الاسلاميه * ما الذى اوقعك فى تنافر القلوب وتباين الاهواء الاعدم الشعور بالنكليه * ماذا استفدت من ترك التدين الا الغضب من رب العالمين * ادرك دينك بالعمل بمقتضاه ولا تقل ماذا اصنع * هز قلبك وقل له متى يا قلب تسمع * اتق الله قاله يقول وكان حقاً علينا نصر المؤمنين = روى ابوداود والبيهقى فى دلائل النبوة عن نوبان قال قال رسول الله « ص » يوشك الالم ان تداعى عليكم كما تداعى الآكاة الى قصعتها فقال قائل ومن قلبه نحن يومئذ قال بل اتم كثير ولكنكم غثاء كغثاء السيل ولينزعن الله من صدور عدوكم المهابة منكم وليقذفن فى قلوبكم الوهن قال قائل يا رسول الله وما الوهن قال حب الدنيا وكراهية الموت « صدق رسول الله »

على شيخ العرب

مصرده خطبه لرله مواعظ دينيه

نك

تأمين نرفسى انجمنى

خطبه لرله مواعظ دينيه نك اصلاح وتهذيب حقنده اخيرا مصرده مشاهير فضلاء مركب برانجمن تشكلى اتمشدر . مصر غزته لرى بوانجمنك خدمات آتیه سنى نظره آلهرق تقدير آمیز اوزون بندلر نشر ايديورلر . صراط مستقیمك محدود اولان صحائفى شایان ترجمه اولان بواوزون بندلرى نقله مساعد دكلدر . بناء علیه انجمنك يالكز نظامنامه سنى ترجمه اتمكله اکتفا ايديورز :

۱ — خطبه لرله مواعظ دينيه نك مطلوب اولان ترقیاتى تأمينه مدار اولمق اوزره استاد اکبر شيخ ازهرک حمایه سى آلتند برانجمن تأسس اتمشدر .

۲ — انجمن جامع الازهر وکلى شيخ محمد شاكر افنديك تحت ریاستنده مصرک بیوک محکمه شرعیه سى اعضاى سابقه سندن محمد احمد الطوخى وازهر مجلس اداره سى اعضا سندن شيخ احمد العشى وشيخ عبدالغنى محمود وسید محمد البلاوى وازهر اکابر علماسندن شيخ سعيد الموجى وشيخ سيد المرصى افندي لرله عروقه الوثقى جمعیتى مرخصى عبدالفتاح یحی افندي لردن متشکلدر .

رئیسک غیوبتنده اعضا پیننده کى اکابر علمادان سناً اک بیوکى وظیفه وکالتى ایفا ایدر . انجمن دردی تجاوز ایتامک اوزره اعضاسنى تزید ایدیه بیلدیكى کى مرخص اولماق شرطیه محل اوله جق اعضالغه برديکرىنى انتخاب ایده بیلور .

۳ — انجمن ریئسندن بشقه اعضادن درت ذاتک بولمى ايله اجتماع ایدر . قرارلر اکثریتله ویریلور . تساوى حالنده رئیسک بولندينى طرف ترجیح اولنور .

۴ — انجمن نشرى تأسیس اولندينى مقصده خادم خطبه لرک موضوعنى تعیین ایدر واعضادن هر رینک بوبابده وارد خاطرى اوله جق موضوعلره دائر تکلیفات ايله خطبه وموعظه لرک ترقیاتیه اشتغال ایدن ذواتک خارجاً وقوع بوله جق تکلیفلرى تدقیق وموافق اولانلرى قبول ایلر .

۵ — انجمنک انتخاب ایلدیكى موضوعلر عروقه الوثقى جمعیتنه مربوط (مکارم الاخلاق الاسلاميه) و (مجلة جمعية الملاحى العباسيه) نام رساله لرله جرائد سائرده اعلان اولنور . عالیت شهادتنامه سنى ویا بودرجه لرده حائز اهلیت اولدقلىنى کوسترر ونائقى حائز اولانلره بالعموم خطبا انجمنک شىو اعلانلره آجش اولدينى مسابقه ده داخل اوله بیلورلر . مسابقه ده داخل اولان ذوات طرفندن یازيله جق خطبه لر (مصرده ازهر جامع شریفنده مواعظ وخطب دينيه ترقی سى انجمنى ریاستى) آدرسیله طوغریجه انجمن ریاستنه کوندریلور . برآی طرفنده بردن فضله خطبه هیچ بر محرردن قبول اولماز .

۶ — خطبه لر انجمنى دائماً عربى آیلرینک ایلک بش کوننده کوندریلور . اصحابى امضالرىنى واضحاً یازارلر واسم ولقبلىرىنى وایفاسیله مشتغل اولدقلى وظیفه یى وحائز بولندقلى شهادتنامه لرله اقامتگاه وشهرتلىرىنى وکندیلرله نه صورته بخبره ایدیه جکنى کوسترر برورقه یى ربط ایدرک قبالی طرف دروننده انجمنه ایصال ایدرلر .

۷ — انجمن بوخطبه لر دن جمعه کونلرى جوامع شریفده ایراد اولمغه لایق کوردقلىنى انتخاب ایدر وهر حالده کوندریلان خطبه لر قبول اولنسون اولنسون اصحابنه اعاده ایدلر .

۸ — انجمن جوامعده اوقونمق اوزره بکندیکى خطبه لر ایچون وسطى اوج لیرا اولمق اوزره برمکافات قرارلشدر .

۹ — بشنجه ماده ده کى شرائطى حائز اولمیانلردن دخى خطبه قبول ایتک وایچلرندن بکندیکى نشر ایلک ایچون انجمنه قبول اولنان صلاحیت احوال مالیه سى مساعد اولمادقجه بوقیل ذواته مکافات تقدیرى حقنده بر مجوریت معناسى تضمن ایتز .

۱۰ — انجمنک مظهر انتخابى اوله رق نشر ایدیلان خطبه لر کرک دیوان اوقافه تابع وکرک مساجد اهلیه ده مأمور بالعموم خطبا ایچون تنظیم خطبه نمونه اعتبار اوله جق برماهیتده تلقی ایدیلور .

۱۱ — تهذیب نفوسده ، اخلاق فاضله یى افاضه ده وناسک شئون دینیه ودنیویه لرینى لایق وجهله تنظیمده تأثیرات حسنه وجوده کثیرر خطبه وموعظه لر ایچون نه کى شیلره رعایت اولمق لازم کلدیکنه دائر اولان نصایحی انجمن رساله لرله نشر ایدر .

۱۲ — انجمنک تعیین ایده جکى مکافاتلرى ویرمک وشایان نشر کوردیکى خطبه لرى وماده سابقه ده بیان اولنان ارشادات ونصایحی طبع ایلک عروقه الوثقى جمعیتنه عائددر .